

立賣杜絕盡根山園契人哆囉囉保滴水仔庄沈田、長男沈降等，有買李楊榮開墾廷仔上天山園壹所，坐落土名大坵埔山，東至打鉄坑，西至大坵埔山岑尖，南至茄荖坑，北至小岑大坎頭。又壹所在塗城坵，東至過坑小岑坎，西至李江海、楊灰居住厝後，南至岑坎腳，北至李家園坎併山岑，四至明白為界，併帶竹木、菓子內，共式所，年配納段頭家租銀柒錢伍分。今因乏銀別作生理，愿將此山園出賣，先盡問房親人等不欲承買，外托中引就與山豬陷庄曾萬得出首承買，三面言議定值佛銀伍拾式大員正。其銀全中交收足訖，其山園隨即踏明界址，交付銀主前去掌管，招佃耕作，收租納餉，永為己業。一賣千休，日後子孫不敢言找贖，亦不敢異言生端滋事。保此山園果係是田自置之業，與別房親疏無干，亦無重張典借他人財債為碍，亦無拖欠田租及來歷交加不明。如有不明等情，沈田自出頭抵當，不干銀主之事。此係二比甘愿，各無反悔。口恐無憑，今欲有憑，全立賣杜絕盡山園契壹紙，又帶李楊□上手契壹紙，又帶墾單壹紙，共叁紙，付執為炤。

即日全中收過契面佛銀伍拾式大員正完足。再炤。

為中人陳同

知見人沈降

日立賣杜絕盡根山園契人沈田

代書人張儀濂

光緒拾叁年拾月

